

ODRŽAN SASTANAK U PROSTORIJAMA OPĆINSKOG SUDA U KISELJAKU

12.03.2020 17:09



Radni sastanak glede realizacije projekta „Registracija nekretnina“ i ostalih aktivnosti sektora zemljišne administracije koje se implementiraju u Općini Kiseljak je održan u prostorijama Općinskog suda u Kiseljaku 12.3.2020. godine. Na sastanku su učestvovali direktor Federalne uprave za geodetske i imovinsko-pravne poslove gosp. Željko Obradović, načelnik općine Kiseljak gosp. Mladen Mišurić-Ramljak, predsjednica Općinskog suda Kiseljak gđa Božana Banduka, direktor Uprave za geodetske i imovinsko-pravne poslove Srednjobosanskog Kantona gosp. Stipica Oreč te uposlenici općinske službe za geodetske i imovinsko-pravne poslove kao i uposlenici zemljišno-knjižnog ureda Općinskog suda u Kiseljaku.

Istaknuto je veliko zadovoljstvo realizacijom aktivnosti usaglašavanja katastarskih i zemljišno-knjižnih podataka u općini Kiseljak te jako dobra saradnja predstavnika zemljišno-knjižnog ureda, općinske katastarske službe, kantonalne i Federalne geodetske uprave što je i temeljni preduslov kvalitetne realizacije projekata i aktivnosti. Trenutno se vrši uspostava zemljišne knjige za katastarske općine Podastinje, Gomionica i Brestovsko a u pripremi su katastarske općine Gromiljak, Višnjica i Orahovo a potom će uslijediti izlaganje katastarskih podataka i samog grada Kiseljaka.